

DEDICATIO.

quem paternæ virtutis hæredem cum Deo futu-
rum auguror, mihi configiendum esse duxi, ut
ita in Lunâ stricturam radiorum solarium aliis
ostenderem, cùm in ipso Solis corpore non pos-
sem. Sic igitur generosus tuus parens accipiat
hoc chartaceum donum, tanquam observantiæ
meæ erga ipsum, tu vero, tanquam benevolen-
tiæ meæ erga testabile aliquod monumentum.
Ut autem evidentiori adhuc argumento de-
monstrem hunc meum animum tibi deditum,
proponam tibi nobilis adolescentis ideam &
veluti picturam, quam subinde inspicias, ut ita
magis inflammeris ad currendum cursum illum
laudabilem in stadio pietatis & humanitatis.
Sic enim persuasus sum, ingenuo adolescenti,
sponte suâ ad palmæ honores currenti, non posse
commodius calcar ad fortius eundum addi,
quàm si in publico honestæ Famæ, & laudatæ
Mnemosynes templo ipsi suspendatur tabella, in
quâ primò dotes, quib. est præditus, expriman-
tur, quibus dehinc salutares monitus subjiciantur,
istas dotes qui foveant. Prius illud jam præ-
stisti, & citra palpum præstisti, quando te, mi Jo-
sua, commendavi à tuâ in studiis alacritate, ab
ingenii bonitate, & à morum tuorum jucundi-
tate. Sæpen numero hanc tabellam & picturam
indolis tuæ adspice, & sic statue, fore tibi summo
dedecori, si aliquando alii legant hoc tui præco-

):(v